



Broj: 01-04-8-506/26-7  
Datum: 22.4.2026. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14, 59/22 i 50/24), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-506/26-3 od 21.4.2026. godine, načelnik Općine Travnik, d o n o s i

## **R J E Š E N J E**

### **o izboru najpovoljnijeg ponuđača LOT 1**

- (1) Najpovoljnija ponuda za nabavku usluga: „Nabavka usluga građevinskog nadzora nad izvođenjem radova“ - **LOT 1 – „Usluge nadzora nad asfaltiranjem, sanacijom i rekonstrukcijom puteva“** je ponuda ponuđača **JP za prostorno planiranje i uređenje grada „Zenica“ d.o.o. Zenica** sa ponuđenom cijenom u iznosu od **7.692,30 KM** bez uračunatog PDV-a.
- (2) Za izvršenje ovog Rješenja i praćenje realizacije ugovora zadužuje se Služba za infrastrukturne projekte, obnovu, izbjeglice, raseljena lica i stambene poslove.
- (3) Ovo Rješenje se dostavlja svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

## **O b r a z l o ž e n j e**

Postupak nabavke usluga građevinskog nadzora nad izvođenjem radova pokrenut je Rješenjem o pokretanju postupka javne nabavke broj: 01-04-8-506/26 od 18.3.2026. godine. Javna nabavka provedena je putem otvorenog postupka. Ukupna procijenjena vrijednost nabavke bez uračunatog PDV-a za LOT 1 iznosi 12.821,00 KM.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-1-2-33-3-39/26 od 23.3.2026. godine i u „Službenom glasniku BiH“ broj 23/26. Rok za dostavljanje ponuda u skladu sa tenderskom dokumentacijom bio je 14.4.2026. godine.

Komisija za javnu nabavku imenovana je Rješenjem broj: 01-30-10-1506/25 od 15.12.2025. godine te je shodno članu 63. Zakona o javnim nabavkama BiH izvršila javno otvaranje u roku dostavljenih ponuda. U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu prema zahtjevima i kriterijima iz tenderske dokumentacije, te je utvrđeno sljedeće:

- Da je ukupan broj pristiglih ponuda 3 (tri)
- Da su blagovremeno zaprimljene 3 (tri) ponude
- Da nije bilo neblagovremenih ponuda
- Da su ponude ponuđača: JP za prostorno planiranje i uređenje grada „Zenica“ d.o.o. Zenica i „Perkon Energija“ d.o.o. Kiseljak prihvatljive,
- Da je ponuda ponuđača „Ida Inženjering“ d.o.o. Bugojno neprihvatljivih iz sljedećih razloga:

Uvidom u ponudu ponuđača „Ida Inženjering“ d.o.o. Bugojno utvrđeno je da je ponuđač za nabavku usluga iz lota 1 priložio obrazac za cijenu ponude iz lota 3 koji se odnosi na nabavku usluga stručnog nadzora na izgradnji ostalih projekata (izgradnja AB zidova, ograda, igrališta, rekonstrukciju stanova i slično). Daljim uvidom u ponude za ostale lotove ovog ponuđača Komisija je konstatovala da isti nije uopće dostavio ponudu na propisanom obrascu za cijenu za usluge iz lota 1 kako je to traženo tenderskom dokumentacijom.

Obzirom da se radi o propustu koji je ponuđač učinio prilikom pripreme ponude za LOT 1, a uvažavajući član 2. stav (1) tačka l) ZJN kojim je propisano da je ponuda: prihvatljiva – ako ispunjava sve uslove koji se traže tenderskom dokumentacijom ili neprihvatljiva – ako ne ispunjava uslove koji se traže tenderskom dokumentacijom komisija je u skladu naprijed citiranim zakonskim

odredbama ponudu ponuđača „Ida Inženjering“ d.o.o. Bugojno odbacila u skladu sa članom 68. stav (4) tačka i) ZJN kojim je propisano da ugovorni organ obavezno odbacuje ponudu koja nije potpuna i ne ispunjava zahtjeve iz tenderske dokumentacije.

Članom 57. stav (1) ZJN je propisano da se u postupku javne nabavke kandidat/ponuđač pridržava zahtjeva i uslova iz tenderske dokumentacije

U postupku donošenja ovog rješenja, cijenjene su činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda u skladu sa kriterijima iz tenderske dokumentacije, te nakon toga sačinila sljedeću rang listu:

#### LOT 1 – Usluge nadzora nad asfaltiranjem, sanacijom i rekonstrukcijom puteva

RANG	NAZIV PONUĐAČA	Cijena bez PDV-a KM	Popust KM	Ukupan iznos ponude sa uračunatim popustom (bez PDV-a) KM	PDV 17% KM	Ukupna cijena sa PDV-om KM
1	JP za prostorno planiranje i uređenje grada „Zenica“ d.o.o. Zenica	7.692,30	0,0	7.692,30	1.307,70	9.000,00
2.	Perkon Energija d.o.o. Kiseljak	7.820,51	0,0	7.820,51	1.329,49	9.150,00

U postupku ocjene provedenog postupka ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju utvrđeno je da je ponuđač JP za prostorno planiranje i uređenje grada „Zenica“ d.o.o. Zenica dostavio ponudu sa najnižom cijenom u okviru planske procijenjene vrijednosti nabavke. Detaljno obrazloženje razloga za izbor navedeno je u Zapisniku o pregledu i ocjeni ponuda koji se dostavlja uz ovo Rješenje svim ponuđačima koji su učestvovali u postupku nabavke.

Obzirom da je „najniža cijena“ bio kriterij za izbor najpovoljnije ponude, odlučeno je kao u dispozitivu ovog Rješenja.

Ugovorni organ će dostaviti prijedlog ugovora onom ponuđaču čija je ponuda na rang listi odmah nakon ponude najuspješnijeg ponuđača u slučaju da je ispunjen neki od uslova iz člana 72. stav (3) Zakona o javnim nabavkama.

#### POUKA O PRAVNOM LIJEKU:

Protiv ovog Rješenja može se izjaviti žalba u roku od deset (10) dana Uredu za razmatranje žalbi putem ugovornog organa, na adresu: Općina Travnik, ul. Konatur bb, 72270 Travnik. Žalba se podnosi u dovoljnom broju primjeraka, koji ne može biti manji od tri.

Obradila: Aida Kavazović, dipl.iur

#### DOSTAVITI:

1. Ponuđačima
2. Internet stranica UO
3. Arhiva



**N A Č E L N I K**  
**dr.sc. Kenan Dautović**